

Evening Dogri (NSD)

26-11-2024

1915 hrs

खबरां

1. राष्ट्रपति द्रौपदी मुर्मू होंरें नागरिकें गी संवैधानिक मूल्यें गी अपने व्यवहार च शामिल करने, अपनी संवैधानिक कर्तव्यें गी पूरा करने ते 2047 तोड़ी भारत गी विकसित मुल्ख बनाने दे राष्ट्री लक्ष्य गी हासल करने लेई मेहनत करने दा आह्वान कीता ऐ।
2. राष्ट्रपति द्रौपदी मुर्मू होंरें 26-11 हमले च शहीद होए दे बहादर जवानें गी श्रद्धांजलि दिती।
3. भारत नै बांग्लादेश च हिंदुएं ते होंरें सब्बै अल्पसंख्यकें दी सुरक्षा पर चैता जाहर कीती ऐ।
4. केंद्री मंत्री डॉ. जतिंद्र सिंह होंरें आखेआ ऐ जे सरकार सार्वजनिक सेवा गी होंर बेहतर बनाने लेई भूस्थानिक आंकड़ें दा इस्तेमाल करा'रदी ऐ।
5. सरकार नै 15 राज्यें च आपदा प्रबंधन ते समर्थ निर्माण परियोजनाएं लेई 1 ज्हार 115 करोड़ रपे दी मंजूरी दिती ऐ।



Constitution-Day

अज्ज संविधान दिवस ऐ। अज्जै दे रोज 1949 च संविधान सभा आस्सेआ संविधान गी स्वीकार कीता गेआ हा ते मगरा 26 जनवरी 1950 गी इसी लागू करी दित्ता गेआ हा। संविधान दिवस दी कीजे एहू 75मीं ब'रेगंड ऐ इस करियै अज्जै थमां साल भर चलने आले समारोहें दी शुरूआत बी कीती जा'रदी ऐ। एहू समारोहू 26 नवम्बर 2025 तगर मुल्ख भरै च आयोजत कीते जांगन। इस मौके पर अज्ज संविधान सदन दे केन्द्री कक्ष च लोआए गेदे इक बड्डे समारोहू च राष्ट्रपति द्रौपदी मुर्मू होंरें संसद दे दौनें सदनें गी संबोधत कीता। राष्ट्रपति द्रौपदी मुर्मू होंरें भारतीय संविधान गी इक जीवित ते प्रगतिशील दस्तावेज दस्सेआ। जेदे राएं देशै नै सामाजिक न्या ते समावेशी विकास दे लक्ष्यें गी हासिल कीता ऐ। संविधान दिवस दे मौके पर नमी दिल्ली च संविधान सदन दे केंद्रीय कक्ष च आयोजित कार्यक्रम च बोलदे होई राष्ट्रपति मुर्मू होंरें आखेआ जे सरकार नै समाज दे सब्बनें वर्गे खास करी कमजोर वर्गे दे

कल्याण आस्तै हाल दे बरें च केई सारे उपा कीते ना। राष्ट्रपति होरें लोकसभा ते राज्य विधानसभाएं च महिलाएं आस्तै आरक्षण कन्नै सरबंधित नारी शक्ति वंदन अधिनियम पारित कीते जाने दी बी सराहना कीती। इस मौके पर उप-राष्ट्रपति जगदीप धनखड़ होरें आक्खेआ जे एह महत्वपूर्ण दिन देशै दे संविधान गी अपनाए जाने दे 75 बरें दे ऐतिहासिक पड़ा गीदर्शान्दा ऐ। एह दुनिया दे सब्बनें थ्वा बड्डे ते भलेआ अज्जे कल्ले दे गतिशील लोकतंत्र आस्तै इक महत्वपूर्ण उपलब्धि ऐ। उने आक्खेआ जे भारत टकोदे आर्थिक विकास, मजबूत बुनियादी ढांचे ते व्यापक स्तर पर डिजिटल फैलाव कन्नै अगगे बदा र दा ऐ। इने सब्बनें उपलब्धियें गी अंतर्राष्ट्रीय मंजूरी थ्होई ऐ। लोकसभा अध्यक्ष ओम बिरला होरें अपने सम्बोधन च आक्खेआ जे भारतीय संविधान देशै दे लोकें दी बरें दी तपस्या, बलिदान, प्रतिभा ते शक्ति दा नतीजा ऐ। इस्सै केन्द्रीय कक्ष च लगभग त्रै बरे दी सख्त मेहनत मगरा उनें देशै दी भौगोलिक ते सामाजिक विविधताएं गी इक सूत्र च बनने आह्ला संविधान बनाया। संविधान दिवस दे मौके पर राष्ट्रपति होरें इक यादगारी सिक्का, इक डाक टिकट ते दऊं कताबें दा विमोचन कीता। एह्दे अलावा संविधान दे संस्कृत ते मैथिली भाशा च संस्करण बी जारी कीते गे। कार्यक्रम दे खीरै च सब्बने सांसदें राष्ट्रपति हुंदे कन्नै संविधान दी प्रस्तावना पढी। इस मौके पर प्रधानमंत्री नरेन्द्र मोदी, केई सारे केन्द्रीय मंत्री, लोकसभा ते राज्यसभा च विपत्र दे नेता सांसद ते होर दुए मन्ने परमन्ने दे लोक मौजूद हे।

<><><><><>

PM-Constitution Day

प्रधानमंत्री नरेन्द्र मोदी होरें अज्ज संविधान दिवस दे मौके पर सब्बने देशवासिं गी ममारकबाद दिती ऐ। अपनी इक सोशल मीडिया पोस्ट पर मोदी होरें आक्खेआ जे संविधान राष्ट्र दा मार्गदर्शक ऐ। मोदी होरें आक्खेआ जे साढां संविधान मुल्लवै दिएं ज्हारा बरे परानिं महान परम्पराएं दा आधुनिक सरूप च वर्णन ऐ। उनें आखेआ जे अज्ज देश अपनी बन्न सबन्नी परम्पराएं ते संस्कृतिं पर मान करदे होई तेजिया कन्नै तरक्की दी बत्तै पर अगडे बधे करदा ऐ। प्रधानमंत्री नरेन्द्र मोदी होर अज्ज संजा सुप्रीम कोर्ट च आयोजित संविधान दिवस समारोह च शामिल होंगन। इस मौके पर ओ मजूद लोकें गी संबोधत बी करगंन। एह्दे इलावा मोदी होर न्यायपालिका दी सलाना रिपोर्ट बी जारी करगंन। इस मौके पर केन्द्री कनून मंत्री अर्जुन राम मेघवाल, प्रधान न्यायधीश जस्टिस संजीव खन्ना ते सुप्रीम कोर्ट दे होर जज बी मजूद रौंहगन।

<><><><><>

CJI-Constitution Day

भारत दे मुख न्याधीश न्यामूर्ति संजीव खन्ना होरें अज्ज आखेआ ऐ जे भारत इक जीवंत लोकतंत्र दे दे तौरा पर उभरेआ ऐ ते देशे दे संविधान नै इस बदलाव च मदाद कीती ऐ। सुप्रीम कोर्ट बार एसोसिएशन आसेआ सुप्रीम कोर्ट च आयोजित संविधान दिवस समारोह गी संबोधित करदे होई न्यायमूर्ति संजीव खन्ना होरें आजादी दे बाद भारतीय लोकतंत्र च संविधान दी भूमिका पर बल दित्ता। उनें संविधान दिवस पर देशवासियें गी शुभकामनां बी दित्तियां न।



26/11 Anniversary

26 नवंबर 2008 गी मुम्बई च होए दे कायराना आतंकी हमले दी बरे गंड दे मौके पर राष्ट्रपति द्रौपदी मुर्मू होरें इस हमले च शहीद होए दे बहादरें गी श्रद्धांजलि अर्पित कीती। इक सोशल मीडिया पोस्ट च राष्ट्रपति होरें आखेआ ऐ जे राष्ट्र उनें वीर सुरक्षा कर्मियें गी नमन करदा ऐ जिनें देशवासियें दी रक्षा करदे होई अपना खीरी बलिदान देई दित्ता। इनें शहीदें दे परौआरें कन्नै एकता जतांदे होई राष्ट्रपति होरें आखेआ ऐ जे एहू मौका ऐ इस गल्लै गी दोहराने दा जे भारत आतंकवाद गी पूरी चाल्ली कन्नै खत्म करने लेई बचनबद्ध ऐ।



Shah 26-11

केन्द्रीय गाँह मंत्री अमित शाह होरें आखेआ ऐ जे नरेन्द्र मोदी हुन्दी अगुवाई आहली सरकार नै आतंकवाद गी दना बी नेई बरदाशत करने दी नीति अपनाई दी ऐ। जेदे करी भारत आतंकवाद रोधी जतनें च दुनिया भरै च सब्बनें थवा अगो ऐ। मुम्बई आतंकवादी हमले च मारे गेदे लोकें गी श्रद्धांजली भेंट करदे होई शाह होरें एहू गल्ल आखी। शाह होरें आखेआ जे 2008 च कायर ते बूजदिल आतंकवादिएं मासुम लोकें दी मुम्बई च हत्या कीती। उनें 26-11 गी आतंकवादी हमले च शहीद होए दे शहीदें गी श्रद्धांजली भेंट कीती। 26 नवम्बर 2008 च आतंकवादिएं मुम्बई च हमला कीता ते इस हमले च 166 लोक मारे गए हे।



India-Bangladesh

भारत नै बांग्लादेश च हिंदुएं ते होरनें सब्बै अल्पसंख्यकें दी सुरक्षा पर चैता जाहर करदे होई उंदी सुरक्षा गी यकीनी बनाने ते उंदे अधिकारें दी रक्षा करने लेई आखेआ ऐ। इक बयानै च विदेश मंत्रालय नै बांग्लादेश सम्मिलत सनातन जगरण जोत दे प्रवक्ता चिनमय कृष्ण दास हुंदी गिरफ्तारी ते मगरा बेल सवां इंकार करने पर डूंगी चैता जाहिर कीती ऐ। उनें आखेआ जे एहूदे मगरा बांग्लादेश च अतंकवादिएं आसेआ अल्पसंख्यकें पर केई हमले कीते गए। विदेश

मंत्रालय नै आखेआ जे अल्पसंख्यके दे घरे ते दकाने गी लुटने, अगग लाने ते मंदरे ते मूर्तिएं गी नुकसान पजाने दे केई मामले सामने आए न। मंत्रालय नै आखेआ जे एह मंदे भागे आहली गल्ल ऐ जे बडे पैमाने पर इन्ने हमले होने दे बावजूद शांतिर्ण किट्टे च अपने संवैधानिक हक्के दी मंग करा'रदे इक धार्मिक नेता गी गिरफ्तार कीता गेआ।

<><><><><>

Jatinder Singh

सूचना ते प्रौद्योगिकी मैहकमे दे केंद्री मंत्री डॉ. जतिंद्र सिंह होरे आखेआ जे सरकार सार्वजनिक सेवा च होर सुधार करने लेई भू-स्थानिक आंकडे दा इस्तेमाल करारदी ऐ। श्री सिंह होरे एह गल्ल अज्ज नमीं दिल्ली भारत मंडपम च संयुक्त राष्ट्र दी कुलसंसारी भू-स्थानिक प्रशांत ते इलाकाई सम्मेलन च भाशण दिंदे होई आक्खी। उने आखेआ जे भू-स्थानिक आंकडत्रे ते डिजिटल मंचे गी होरने डिजिटल प्रशासनिक सरिस्ते कन्नै जोड़ेया जारदा ऐ जेदे कन्नै पारदर्शिता ते बेहतर फैसले लैने च मदाद मिलोग। भारत मंडपम च आयोजित 4 दिने दे इस सम्मेलन च 30एं मुल्ले सवां 90 प्रतिनिधिएं सने भारत दे 120 नुमाइंदे हिस्सा लै रदे न।

<><><><><>

EC-RS

चुनांस कमीशन नै राज्यसभा दी 6 सीटे पर चुनांस दी घोषणा कीती ऐ। इंदे च 3 सीटां आंध्र प्रदेश ते 1-1 सीट ओडिशा, पच्छिम बंगाल ते हरियाणा दी ऐ। चुनां गित्तै अधिसूचना 3 दिसंबर गी जारी कीती जाग। मेदवार 10 दिसंबर तोड़ी नामांकन भरी सकदे न। मतदान ते वोटे दी गिनतरी इक्के दिन 20 दिसंबर गी कीती जाग। एह चुनां इस करिये होआ'रदे न की जे हरियाणा सवां कृष्ण लाल पवार, पच्छिम बंगाल सावं जवाहर सिरकार, ओडिशा सवां सुजीत कुमार ते आंध्र प्रदेश सवां रयागा कृष्णैया, बीडा मस्तान, राव यादव ते वेंकटरमनना राव होरे अपनी-अपनी सीटे सवां इस्तीफा देई दिता ऐ।

<><><><><>

Govt. Disaster Fund

केंद्र सरकार नै 15 राज्ये आस्तै आपदा शमन ते क्षमता निर्माण परियोजनाएं लेई 1 हजार 1 सौ 15 करोड़ थवा मते रपे दी मंजूरी दिती ऐ। केंद्रीय गृह मंत्री अमित शाह हुन्दी अध्यक्षता च इक उच्च स्तरीय समिति नै इस कोष गी मंजूरी दिती ऐ। समिति नै 8 पूर्वोत्तर राज्ये आस्तै 3 सौ 78 करोड़ रुपये, उत्तराखंड ते हिमाचल प्रदेश आस्तै 139-139 करोड़ रुपये,

महाराष्ट्र आस्तै इक सौ करोड़ रुपे, कर्नाटक ते केरल आस्तै 72-72 करोड़ रुपे ते तमिलनाडु ते पश्चिम बंगाल आस्तै 50-50 करोड़ रुपे दी मंजूरी दिती ऐ।



JK-Constitution

जम्मू कश्मीर च बी संविधान दिवस गी बड़े पैमाने पर मनाया जा'रदा ऐ। आकाशवाणी दे जम्मू संवाददाता नै जानकारी दिती ऐ जे मुख कार्यक्रम श्रीनगर दे शेरे कश्मीर कनवेंशन सेंटर आयोजत कीता जा'रदा ऐ, जित्थें इस मौके संविधान दी प्रस्तावना पढी गई। इस कार्यक्रम दी अगुवाई उप राज्यपाल मनोज सिन्हा होरें कीती। इसै चाल्ली अज्ज सब्बने सरकारी दफ्तरें, खुदमुक्तियार निकाय, स्कूलें, कालजें, सार्वजनिक क्षेत्र दे उपक्रमें, च बी विशेष आयोजन कीते जा'रदे न। ग्रामीण विकास ते पंचैतर राज मैहकमे आस्सेआ सब्बने पंचैतें ते अमृत सरोवर आलिणं थाहें पर संविधान प्रस्तावना पढने दे कार्यक्रमें दा सरिस्ता कीता जा'रदा ऐ। सरकारै सब्बने लोकें गी आग्रह कीता ऐ जे ओहू संविधान दिवस सरबंधी कार्यक्रमें ते समारोहें दे फोटू एहदे लेई समर्पत वैबसाइट www.constitution75.com उप्पर अपलोड करन। इस बरे इस दिवस दे खास मानयनें न कि जे संविधान गी अपनाए गेदे 75 बरे होआ र दे न।

